

Broj:01- /15

Dana:14.12.2015.godine

SKUPŠTINA KANTONA SARAJEVO
n/r predsjedavajuće

PREDMET: Poslanička inicijativa Zvonko Marić, odgovor, dostavlja se;-

Zastupnik Zvonko Marić, na Osmoj Radnoj sjednici Skupštine Kantona Sarajevo održanoj 12.11.2015.godine u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo pokrenuo je zastupničku inicijativu:

Poslanička inicijativa:

"Na žalost svjedoci smo svakodnevnih razbojništava i pljački u našem gradu. Razni su načini na koji se to radi ali skoro svakom građaninu su već poznati. Scenarij sa kupovinom jeftinih vozila, a potom sa tim istim vozilom odlazak u pljačke bez registarskih oznaka i na kraju paljenje tih automobila su ustaljena praksa kriminalaca. Ta činjenica valjda bi trebala biti poznata i policiji pa me čudi da samo 150 m vazdušne linije od Policijske stanice na Ilidži po istom scenariju je opljačkana banka i tom prilikom ubijen slučajni prolaznik - biciklista. Zato apeliram i podnosim inicijativu da se pooštri kontrola vozila bez registarskih tablica koji kruže gradom. Jer sama činjenica da su bez registarskih oznaka indicira da nešto nije uredu ili sa vozilom, njegovim porijeklom ili namjerama pljačkaša. Vozilo je faktički bez identifikacije, a samim time je i sumnjivo, te kao takvo mora se kontrolisati. "

Odgovor na poslaničku inicijativu:

Ministarstvo unutrašnjih poslova Kantona Sarajevo, u sklopu redovnih i pojačanih aktivnosti kontrole saobraćaja, između ostalog, vrši i kontrolu motornih vozila koja u saobraćaju učestvuju bez registarskih tablica, motornih vozila na kojima su postavljene

nepridajuće registarske tablice i vozila za koje nije produžena važnost registracije, te prema vozačima istih se preduzimaju zakonom propisane sankcije.

U periodu januar-novembar 2015.godine, policijski službenici Uprave policije MUP-a Kantona Sarajevo, su prema vozačima, koji su upravljali motornim vozilom bez registarskih tablica preduzeli zakonom propisane mjere (izdat prekršajni nalog i vozilo isključeno iz saobraćaja), kako slijedi :

• Prva policijska uprava	283
• Druga policijska uprava.....	112
• Treća policijska uprava.....	132
• Četvrta policijska uprava.....	149
• Peta policijska uprava.....	118
• <u>Jedinica za saobraćaj.....</u>	<u>519</u>
UKUPNO:.....	1313

Shodno poslaničkoj inicijativi, Uprava policije MUP-a Kantona Sarajevo je naložila, da policijski službenici dodatno pojačaju aktivnosti na kontroli sumnjivih lica, lica registrovanih kao višestruki povratnici u vršenju prekršaja i krivičnih dijela i vozila bez registarskih tablica.

S poštovanjem,

MINISTAR

mr. Ismir Jusko